



**Univerzitet u Sarajevu - Filozofski fakultet  
Centar za mirovno obrazovanje**

**forumZFD u BiH/ Forum Mirovna Civilna Služba**

**Euroclio HIP BiH**

Sarajevo, 6.6.2024.

Poštovani,

Centar za mirovno obrazovanje Univerziteta u Sarajevu - Filozofskog fakulteta u saradnji sa forumZFD/Predstavništvo Forum Ziviler Friedensdienst e. V u Bosni i Hercegovini i Euroclio HIP BiH organizira **4. Ljetnu školu mirovne pedagogije 21.6.2024. godine.**

Kao i do sada, naša misija je da aktueliziramo pitanje upotrebe mirovne pedagogije u nastavnoj praksi te nastavnicima i polaznicima Ljetne škole ponudimo nove metode i nastavne resurse zasnovane na podučavanju univerzalnih vrijednosti. Želja nam je osnažiti nastavnike i stručne saradnike u razvijanju i njegovanju kulture mira u njihovim školama i učionicama, podučavajući o miru i za mir u svojim specifičnim oblastima.

Mjesto održavanja Ljetne škole je **Hotel Holiday, ul. Zmaja od Bosne 4; Sarajevo. (Sala "Caffee Inn", prizemlje)**

Ove godine Ljetna škola se sastoji iz **dva dijela.**

Prvi dio čini **javno predavanje dr. Laure Kromják pod nazivom „Intergeneracijska trauma i sjećanja na rat među Amerikancima porijeklom iz Bosne i Hercegovine“.** Profesorica Kromják predaje na Odsjeku za globalne i razvojne studije na Institutu za političke i međunarodne studije, Eötvös Loránd (ELTE), Univerzitet u Budimpešti, Mađarska. U okviru predavanja problematizirat će načine na koje se historijska, kulturna i ekonomska trauma jedne generacije prenosi na buduće generacije, pri čemu će fokus biti na bosanskoj dijaspori u američkom gradu St. Louis.

Ovo predavanje će se održati na **engleskom jeziku**, ali bit će **obezbijeden simultani prevod na B/H/S za učesnike u sali i na YouTube kanalu.**

Drugi dio Ljetne škole čine **dvije radionice koje će se baviti podučavanjem osjetljivih tema u nastavi nakon čega slijedi panel diskusija.** Predavačice će biti mr. Melisa Forić Plasto (Univerzitet u Sarajevu – Filozofski fakultet) i Ana Radaković, MA (Univerzitet u Beogradu, Filozofski fakultet). Učesnice panel diskusije će biti pomenute predavačice te prof. dr. Nenad Veličković (Univerzitet u Sarajevu – Filozofski fakultet) i Vedran Zubić, prof.

Ove radionice i panel diskusija će se održati na **bosanskom/hrvatskom/srpskom jeziku.**

Bit će obezbijeden **simultani prevod panel diskusije na engleski jezik za učesnike u sali i na YouTube kanalu.**

**Napomena:**

**Javno predavanje dr. Laure Kromják i panel diskusija** će se moći pratiti uživo na **YouTube kanalu** forumZFD Bosnia and Herzegovina preko linka:

<https://www.youtube.com/@forumzfdbosniaandherzegovi6509>

U slučaju tehničkog problema prilikom uključivanja, molim Vas pozovite: (00387) (0)61 211 899.

Molimo da imate na umu da će se **radionice** održati isključivo **uživo**.

Učesnici koji žele prisustvovati radionicama o podučavanju osjetljivih tema u nastavi trebaju se registrovati putem linka <https://forms.gle/8j4jomr9Nbtg9NzdA> najkasnije do srijede, **19.06. do 12h**.

Za praćenje javnog predavanja i panel diskusije putem YouTube kanala nije potrebna registracija putem prijavnog obrasca.

Svi učesnici koji budu prisustvovali radionicama o podučavanju osjetljivih tema dobiće potvrde o učešću.

Program 4. Ljetne škole mirovne pedagogije Vam dostavljamo u prilogu i sa zadovoljstvom Vas pozivamo da nam se pridružite.

U nadi da ćete nam se pridružiti, srdačno Vas pozdravljamo!

MIR

Centar za mirovno obrazovanje

<https://peacehub.ba/>

forumZFD u BiH

<https://www.forumzfd.de/en/western-balkans>

Euroclio HIP BiH

<http://cliohipbih.ba/>